

Hæc de Roma pro loci angustia sufficiant: qua versus Meridionaliora egresso sese offert *Ostia* Latinis, ut & Græcis. Gravioris est Cœli & pestilentis Aeris. Ager Pepones fert copiose. *Ostij*s relictis, reliqua Latij Opida præcipua quæ mari fere adsident, pervagabor. *Neptunium* agro fertiliori situm est: Cives Aucupio & Piscationi vacant, hodie pertinet ad *Columnenſes*. *Astura* Plinio quidem Flumen cum Insula cognomine: Tabulæ vero Itinerariæ Opidum, quod forte fuit vel ad flumen in Continente, vel in Insula. Locus hic memorabilis cum indignissima M. Tullij Ciceronis, Antonium fugientis cæde; tum Corradini fato Henrici F. Friderici I^{us}, Imperat. N. quem Carolus Eculismensis securi percussit. *Taracina* vel *Terracina*, *Taracina* Straboni: *Tarracine* Ptol. *Tarracine* Steph. *Terracina* apud Antoninum. Volscorum lingua *Anxur* vocabatur. Opidum est exiguum, sed frequens & honestum. Muri ex quadrato silice absque cemento facti. Ager eius fecundissimus est & immanissimus, Vitibus, Aurantijs, Citris, Limonibus, alijsq; id genus Arboribus abundans. *Caieta* *Cajatta* Strab. Hodie *Gaietta*. Urbs est munita cum primis: Arcem habens invictissimam, cum Turri altissima, Summo in Monte, quem superiorib. annis, Gallis proſtigatis, muro cinxit Ferdinandus, Aragonum & Neapolitanorū Monarcha. Sinus ad Urbem *Caietanus* audit, apud Strabonem. Portum ibi fuisse celeberrimum, amplissime ab Antonio Pio reſectum, reſert Spartianus. Hodie nullus est. Mediterranea Latij loca perlustranti offerunt se *Velitra* Straboni, *Belitra* Steph. vulgo *Belitre*, vel ut alij scribunt *Belletri*, Opidum vetustissimum Volscorum, amplum & populo satis frequens, Episcopatus fulgens dignitate. Venustissimi situs, jucundissimi prospectus. Mœnibus undique cinctum. *Alba* Latinis, *Alba* item Græcis, *Longam* cognominant Veteres Scriptores, ab Situ. Hodie *Savello*, si Leandro fides: si alijs, *Gandolſſi*, vel *S. Gandolſſo*. Conditor ejus *Ascanius* *Æneæ* Filius, xxx post ædificatum Laviniū anno. Hodie plane desolata jacet. Nunc Septentrionaliora Latij per viam Valeriæ Tiburtinamque peragremus. Hic primo se offert loco *ribur* Ptol. *ribura* Strab. *rivola* hodie. Urbs ad Anienem fl. Roma distans CL. Stadijs, Procopio. Cælo est temperatissimo: locoque ob Aquarum Fontiumque copiam saluberrimo. Episcopatus Titulo est nobile. *Maruvium* ad Fucinum Lacum, Marſorum olim Caput, exiguus nunc se prodit, vestigijs; quæ *marvo* vulgo nominant. *Alba* Latinis, ut & St. *Albam* hanc, quod in pen- tralibus regionis sita, & permunita undique esset, tradit Strabo Romanos ijs, qui custodiendi erant tamquam carcerem adſignare, consueviſſe. Ruinis nunc tota fere collapsa jacet. *præneste*, *prænustus* Strab. *prænestum* Ptol. hodie *ſilaſtrina*. Situs ejus in declivi Monte ad Venestrim fl. olim longe fuit & amœnissimus; & jucundissimus; ideoque florent Re Romana frequenter Imperatores Augusti huc animi gratia ſeceſſiſſe leguntur. Arx summo Monti in quo condita, imposita est. Episcopatus hodie gaudet dignitate. *tuſculum* multis olim nominibus inſigne, quod haud procul ab *Fraſcata*, abſuiſſe cenſent ex ruderibus, quæ hodieq; viſuntur, Viri docti. Plura ſunt hujus Nobiliſſimæ Partis Italiae Opida, quæ brevitatis ſtudio omittimus. Sunt & Latio Lacus.